



唐宋舊經樓詩稿



商
經
稿

席
讓
山

織
非
臣

里
朝
里

高齋詩集



唐宋舊經樓詩稿目錄

卷一

春日步鐵山園

乾隆五十五年


聖駕巡幸 闕里隨 祖母程太公夫人恭迎

宮輦

冬日讀書

蘭堂

哭伯父



題文衡山秋林書屋圖

題藍田叔蕉窗秋霽圖

題張源瀟湘夜雨圖

北窗

冬日

杭州節院與書之宜人夜坐

雙陸

夫子在台州剿淨夷寇聞捷誌喜

玻璃窗

偕書之宜人過西湖白蘇二公祠看梅同作

讀長恨歌

冬夜

水仙

立春日與書之宜人韻並呈淨因夫人

畫牡丹奉 堂上

上元試燈

和黃淨因夫人韻

久雨初晴

畫牡丹寄奉嚴慈

西湖泛舟

白圭詩館夜話

甲子二月同淨因黃夫人泛舟過半山看花

畫椿萱並茂圖歸奉堂上

歸寧曲阜畱別書之宜人

夜過姑蘇二首

舟中阻風二首

渡江

聞雁

登西院平臺分登字韻

四時閨中八詠與黃淨因夫人書之宜人月

莊古霞同作

春閨八詠

夏閨八詠

秋閨八詠

冬閨八詠

題嘉慶十年乙丑立春歲朝圖

西湖種柳三千株紀事

自杭歸揚州作

雪意

冬日墓廬有感

夜坐

冬日康山作

夜坐卽事

冬夜

卷二

詣雷塘路過平山有感

春日偶成

白沙翠竹江村

見山樓

香葉草堂

因是庵

千尺桃花潭

漑岩

乳桐嶺

唐詩有題樓詩和目錄
四
東溪白雲亭

耕烟閣

絲筵逕

柳風麥浪之間

芙蓉泚

渡鶴橋

聽雨山房

華黍齋

小山秋

冬釭書屋

雪窟

梅花處士廬

登墓廬小樓

憶夫子雷塘守墓

憶弟

試第五泉

文選樓卽事

珠湖草堂

三十六陂亭

湖光山色樓

黃鳥隅

漁渠

龜蓮沼

菱湄

射鴨船

拜北湖江夫人墓有感

湘簾

紗屏

羽扇

竹窗

夏夜

黑蝶

白燕

雷塘小樓

卽事

三十初度避居雷塘墓廬自述

唐詩集卷之六
雷塘

田家

燈花

竹窗

自感

敬題

御賜杜瓊溪山瑞雪圖

夏夜

夏夜復聯句

題唐六如同心合意圖

題宋馬遠畫江樓玩月團扇圖

題元王振鵬畫樓臺倒影圖

卷三

分題

御賜暉壽平畫冊十二幅之三

萬橫香雪

桐陰高逸

草堂春漲

桂苑小山

出浴峰

獅子峰

貫月峰

捲雲洞

秋思

秋夜

雨花

桂苑小山

秋籬

憶曲江亭寄答翠屏洲諸女士

咏藕

咏菱

咏蓮房

咏芡實

路過傍花村偶成三首

荻花

蓼花

新雁

早霜

薄寒

微雪

咏漢金釭

咏真子飛霜鏡

冬夜聯句

冬日

題月莊畫百合花雙蝶卷

過寶祐廢城

澹寧精舍初春

題元趙子昂畫白雲泉竹

題元高房山摹營邱山水

題宋陳居中畫蕃馬

題宋馬遠畫松鶴

文房四詠

選樓上元有感

盆梅

瓶梅

落梅

玉勾斜

自題綠靜軒圖

春社日詠燕

花朝日祀花神

春日偕淨因夫人古霞女史過曲江亭

文選樓花木

咏牡丹

題高郵孫公宗彝長媳潘夫人刺舌血書金

剛經後

江北不養蠶因從越中取蠶種來採桑飼之
得繭甚多詩以紀事

賞雨

蒲劍

艾人

夏日

夜雨

唐詩卷之四
玻璃盞燈

茶烟

竹韻

棋聲

蕉陰

卷四

題水村圖

和翠屏洲女史見寄原韻

試龍涎香

寄書之宜人珠湖草堂

送夫子除服

陸見

偶成二首邀書之宜人和之

初冬書室偶作

殘菊

家廟白皮松

題琅嬛仙館圖

聞夫子被

御賜蟒服四事文房四事却寄

再寄一首

新婦于歸口占寄外

和夫子寄詩韻

附原韻

雷塘菴種梅

哭淨因黃夫人

雷塘辭歲有感

除夕

元旦試筆

文選樓望雪

題雷塘菴主小照

平山泛舟

燕剪

清晏樓

清晏樓晚眺

病後口占

題先姑林太夫人石屋藏書圖

唐詩卷之八
和書之宜人綠陰原韻

夏日

題月莊女史畫扇

懷王凝香二妹

憶曲江亭東翠屏洲諸女史

窗前桂樹上有白頭翁鳥一雙來巢

望晴

讀夫子哭壯烈伯李忠毅公詩感賦

卽事

曲屏

回欄

和書之宜人寄詩原韻

懷書之宜人

重陽

回杭州

題張淨因黃夫人遺稿

落葉聲

新鴈聲

題書之宜人靜春居圖

西湖十景詩

蘇隄春曉

雙峰插雲

柳浪聞鶯

花港觀魚

麴院風荷

平湖秋月

南屏晚鐘

三潭印月

雷峰夕照

斷橋殘雪

竹

柏

憶曲阜兼懷甬東

因安女作詩甚喜口占

夜坐

卷五

卷已巳元旦試筆和韻

初春卽事

歸寧曲阜畱別書之宜人

月莊古霞賦詩送行以此答之

舟中卽事

舟中偶成

闕里夏日應 堂上命作

夏夜

桂花

題袁母竹柏樓圖

八月十八日蔡逆就殲于浙海温州二十二

日夫子交印入京祝

嘏曲阜聞之却寄

哭二弟婦康宜人

京邸春日寄懷書之宜人

唐花

題鐵師母如亭主人吟餘習射圖

鑪香

古鏡

書燈

硯屏

筆格

茶甌

穀雨日憶文選樓牡丹兼寄書之宜人月莊

女史

春雨

春夜

詠唐貞觀塗金阿彌佗銅碑

題古霞女史暗香疎影圖

暮春

過瀛臺

借居冶山大弟公邸補種花樹偶成

曉起憶揚州

偶成三分卮字詩

送春

立夏

唐詩卷之八
京師首夏風景三首

夏日偶成

和南池二弟偶成原韻

疊前韻再寄書之宜人

香絨花

再咏香絨花

古槐

新竹

蘭草

棗花

咏涼棚

雨過

夏夜

坐月

月莊女史寄詩依韻答之

京邸六月天氣甚涼口占寄揚

夏夜寄書之宜人月莊女史

風雨夜晴又寄

唐詩卷之八
重過瀛臺看荷

感懷

和書之宜人原韻

昔都下盛傳有仙龍鬼蝶四題因賦之

仙

龍

鬼

蝶

題家鄉圖冊八幅

選樓巷家廟

隋文選樓

雷塘墓廬

湖橋墓祠

珠湖草堂

曲江亭

海岱庵

琅嬛仙館

卷六

卷一 元旦懷書之宜人月莊女史

古霞女史作烏絲欄並成清詠因題一律

春夜寄懷書之宜人月莊女史

清明過萬柳堂

藤陰和書之宜人韻

書之宜人月莊女史携兒女來京喜賦一律

附和韻

上岡新居小園偶題

代夫子爲人題墓田山水卷子

代夫子爲人題中書菊隱圖

暖室

上巳日隨嚴慈過釣魚臺

哭父六首

淮陰節署答曲江亭諸女史

有感

上元日秋菊數枝與春蘭同供

雪後早春

春寒

春草

憶曲江亭春柳

春雪

寄答曲江亭諸女史卽和原韻

春雨

常州旱阻改向江行向江西

過小孤山

望大孤山

中秋彭澤望月

登滕王閣

遊百花洲

題長媳澗芳畫山水小幅

和書之宜人原韻

冬夜

和夫子冬至雪窗原韻

偶成

疊冬至雪窗原韻 再疊韻

題長媳畫小孤山圖

冬日獻盡小亭山圖

冬夜
讀明婁妃墓碑感賦

遊百花洲聯句

中秋

擬元人梅花百詠之十七首

庭梅
并序

溪梅

探梅

賞梅

浴梅

粧梅

雪梅

烟梅

寒梅

咀梅

西湖梅

東閣梅

僧舍梅

道院梅

擔上梅

杖頭梅

玉笛梅

福祐禕三子夜課詩以示之

冬夜

題徐氏蘭垞孟貞兩陸孺人詩集

盆中白菊大如白牡丹名之曰秋牡丹

題六女畫白菊

冬日偶成再疊去歲雪窗韻

接闕里家書知二弟病

冬夜

題靜春居詩卷

余幼年讀毛詩奈不能穎悟筆性頗拙兼
又多疾先君見此憐之曰願汝能學禮
不必定有才吾家世傳詩禮汝能知其大
義即可矣余因父命閨中未多得詩稿

于歸後夫子喜言詩始復時時爲之又因
宦遊浙江景物佳美同里張淨因夫人館
于署中復多倡和此後往來曲阜揚州京
師踪跡無定得詩轉多詩不足言二十餘
年踪跡不忍拋也遂刪訂嘉慶二十年以
前者勒爲六卷云丙子春舊經樓居士識

唐宋舊經樓詩稿目錄

卷七

畱別西江節署

江上阻風

過潯陽古渡

路過漢口得遇七姑母相會片時回舟卽賦

一律

又疊冬日雪窗前韻

歸曲阜感賦

展先君封公墓

將之楚別 冶山大弟

登黃鶴樓和古霞女史原韻

附原韻

夢中得前二句醒後憶之未忘此或心上之
事故得于夢因成一絕

嶺南除夕立春

附和韻

五兒婦初來粵書示大兒婦兼寄外粵西六首

寄外

病後憶 夫子廣西讞事兼閱兵

接 夫子詩章頗多以此警孔厚

詠楊妃荔支事

六女于歸口諭六首

題女蘿亭圖

題

賜珮軒白玉珮珮乃七兒婦錢德容被
賜之物

喜雨

月莊女史攜兒婦孫輩移居小琅嬛以詩賀

之和 夫子韻

種竹

祝 承恩公孟公夫人壽

癸未正月二十日 夫子六十壽辰在兩廣

節院 夫子兼開督撫鹽關四印又蒙

恩賜福字加

賜壽字

夫子偶構聽雨小樓卽賦一律

孟公公夫人終于廣州將軍署致祭感賦

和古霞女史木棉花韻

附原韻

春日攜五七八兒婦遊雲泉山館望白雲山

示八兒婦

秋日寄外

附和韻

寄外二首

夢孟公公夫人醒後感賦

春日偶成兼懷闕里

古霞女史偕五兒婦雲姜遊唐荔園歸攜荔
支贈余以詩謝之卽和原韻

附原韻

附錄雲姜遊唐荔園和韻

咏珊瑚帶鈎

新建學海堂

唐宋舊經樓詩稿卷一

阮孔璐華經樓

春日步鐵山園

鐵山園內景悠然小步隨 親古徑邊紅杏鬧春
酣宿雨綠楊扶影散晴烟銅鑲秘閣清幽地石鼎
虛壇碧落天何處精鏐移到此奇峰林立幾千年

乾隆五十五年

聖駕巡幸 闕里隨 祖母程太公夫人恭迎

宮輦

簫韶風暖淨塵沙縹緲爐烟吐絳霞

鳳輦曾停攜半袖

玉音重問賜名花

時宮車駐問瑤華千章寶炬
年紀並攜手賜花

春光曉十里旌旗泗水斜何幸隨親同被

澤瑤華年十四時伯母于公夫
人母封公袁夫人皆隨侍

皇恩優待聖人家

冬日讀書

曉起省親後攤書倚綉帷案頭梅影瘦簷外竹

枝垂把卷看新雪焚香校舊詩晚來寒月上更聽

漏遲遲

蘭堂

久識蘭堂靜巍然近百年畫梁含晝景疎牖敞晴

天一貫軒相倚九如室其聯一貫九如皆堂名詩書清淑

地古柏散蒼烟

哭伯父

一朝世父忽成憂最苦臨終念白頭時繼母在堂祖今

夜雁行風掣斷吾親獨力守箕裘

向來憐我偏如女今日傷心更覺哀空對遺容時

悵望夢魂那得慰泉臺

弱弟居喪接大宗伯父無子余胞弟襲承大宗

七齡聰慧孰能

同哀哀盡禮寒雙跣閣第人憐小襲公

余家居喪禮法最嚴

子有喪者雖嚴冬皆跣足三日弟雖七歲亦如此故人皆憐之

伯母身孱更可憐慼慼一息淚如泉幾番病內頻

相問痛此孤兒尙穉年

題文衡山秋林書屋圖

秋思滿空山西風振林木疎疎梧桐聲雜以溪邊
竹從來高隱者多居在幽谷古樹蔭南窗似聽秋

聲肅清泉濺階石落葉黃蕪蕪為因秋興長讀書
倚老屋

題藍田叔蕉窗秋霽圖

崇禎辛巳在廣陵畫

芭蕉石峽秋風清草窗喜見霞光明滿目山光雲
鬢翹樹頭應有秋蟬鳴怪石玲瓏疊蒼翠風吹溪
水如琴聲落葉滿階紅蕪蕪空林翻覺浮烟輕更
有高人此間住深深竹閣蕉窗晴種得芭蕉滿天
綠瀟瀟灑灑皆幽情閒倚老屋自吟讀更吹活火
烹茶鎗此圖試問何人寫錢塘居士明藍瑛此圖

試問何年寫崇禎辛巳初畫成寫圖未識在何處
居士結友在蕪城予家亦在蕪城住蜀岡十里山
皆平廿四橋邊明月好無雙亭上瓊花榮圖中邱
壑是何處令人想像思縱橫圖中高士殊不俗定
是隱者羞畱名一幅更喜存我處好將名蹟間品
評此時我住西湖曲春雨乍霽爽氣生開窗略似
畫中景一林蕉葉初抽莖

題張源瀟湘夜雨圖

竹林雨瀉秋聲長夜來篷背何淋浪溼雲滿山吹

未散曉天碧水連瀟湘江上何人聽雨宿不見湘
靈見修竹雲收邱壑放晴光何處珮環戛鳴玉

北窗

綠窗人靜月團欒竹影重重玉碧寒草木生香風
乍起納涼時候倚迴欄

冬日

京華寒氣正初冬小住西城
賜第中暖屋安排新紙閣朝衣收拾舊薰籠才看
驟冷霏霏雪愁聽殘更陣陣風自愧深閨太安穩

唐宋書林詩詞卷一
四
畱香小室地鑪紅

杭州節院與書之宜人夜坐
秋河淡淡月生輝却憶征人愁未歸坐對小窗銀
燭冷一雙螢火背人飛

雙陸

細雨金風暑氣收征人海上未歸舟那如雙陸閨
中好一局輸贏自不愁

夫子在台州剿淨夷寇聞捷誌喜

安南夷匪寇寧台礮火風濤一戰摧從此海疆民

不擾

前數年夷匪登岸殺奪子女

那教番舶再能來

玻璃窗

花飛玉鏡空疎影透玲瓏皓色浮秋水霞光隔晚
風天開銀漢滿月照碧雲通繡戶簾輕捲香銷燭
映紅

偕書之宜人過西湖白蘇二公祠看梅同作

孤山歷餘寒已是殘冬後西湖雖待臘景色尚如
舊蘭漿緩緩搖一片碧波皺斜陽照叢祠松竹雜
荒園古人唐宋前近年始結構寒梅如詩心疎影

自清瘦幾回經雪月更與冰花鬪巡檐過瀛舟暮
靄淡遠岫欲歸復遲遲爲愛此晴晝明年擬重來
滿沼荷花覆

讀長恨歌

儘可宮中寵太真但須將相用賢臣君王誤在漁
陽事空把傾城咎婦人
假使絲絲恨早成殿中妃子未長生安楊將相仍
如舊未必漁陽不反兵

冬夜

香銷金鼎漏聲遲輾轉思親憶舊時呼婢烹茶開
繡幙月光如水地如池

水仙

玲瓏玉魄鬪芳妍却與梅兄共歲年帝子無言湘
水畔靈妃含笑洛川邊風吹珮玉清非夢雨染衣
香冷可憐翠帶輕飄饒秀色若臨江上更嫣然

立春日和書之宜人韻並呈淨因夫人

春光轉到彩幡鮮相伴閨人詩句聯瓶裏梅花供
硯水簷前柏葉帶茶烟連朝薄暖銷寒候鎮日浮

雲欲雪天幸我無才逢益友更欣能親壽度華年
春堂畫牡丹奉
堂上閒人
閒將綵筆寫精神第一春風賦色新漫道人間稱
富貴
堂前長慶十分春

上元試燈

月明寶炬滿庭中蓮燭交輝接碧空五色霞光齊
照耀一般清影各玲瓏笙歌繞去流雲白香霧潛
來映水紅差喜年豐人意好初春佳興萬人同

和黃淨因夫人韻

銀燭春鐙慶上元一番新景不須論殷勤同侍
椿堂上兒女嬌癡語更喧

雨雪霏霏向小齋春風簾幙絕輕埃羨君麗句傳
飛絮愧我無能步障開

幾日清閒憶友人囑君珍重度寒春連朝風雨渾
如夢助我思
親又數旬

寄來彤筆吐烟霞點染丹青色更誇好待春晴身
已健半山同去看桃花

久雨初晴

夜雨聞雷聲阿香推車走曉起梅花殘綠意破新
柳雪飛幾日寒却如二三九晚來雲更晴出視見
北斗陽回萬物生殷勤是農叟遙想春田家朝朝
鋤在手但願得豐年黎民餬其口

畫牡丹寄奉 嚴 慈

洗筆圖成助曉粧莫吟富貴但吟香迎風却似萊
衣舞春滿昌平詩禮堂

西湖泛舟

一帶亭臺繞六橋桃花千樹柳千條古來最說西

湖好總爲詩人不寂寥

白雲庵外景無邊峰影湖光春可憐一色菜花三
五里南山黃到北山前
一層湖水一層樓遙望雲山未得遊好約珠湖女
居士筍輿同去待深秋

白圭詩館夜話

久雨初晴後虛齋好共吟春鐙風閃閃刻漏夜沉
沉月落階前影花收檻外陰此時清興好閒話最
關心

甲午二月同淨因黃夫人泛舟過半山看花
臯亭山下碧溪中十里桃花萬樹紅更有李花共
春色千枝新柳向東風暖翠浮嵐山不斷到此方
知春爛漫駕得蘭舟花裏遊無數黃花夾兩岸清
川幾曲樹幾重茂林修竹綠陰濃春水有風皆瀾
瀾梨花無月亦溶溶此地看花擅奇絕江北催歸
漫輕別又聞流水似潮聲錢塘江外清明節輕烟
薄霧隱斜陽錦繡春光滿地香更擬尋芳行泗水
棗花杏子滿林塘

畫椿萱並茂圖歸奉 堂上

幽窗無事寫椿萱滿目風光憶故園益壽春秋皆
翠色忘憂歲月是靈根金絲堂北仙枝好莊子書
中大樹尊遙望行雲思闕里難將寸草報深恩
歸寧曲阜畱別書之宜人

今同幼女渡江濱千里關山去省親攜手匆匆無
別語倩君勤侍 北堂人

夜過姑蘇二首

姑蘇城外夜澄波銀漢無聲雲似羅兩岸樓臺搖

燭影誰家窗檻發清歌

楓橋明月照輕舟半作行程半作遊迴想西湖好
風景與春歸去又揚州

舟中阻風二首

風雨瀟瀟兩袖寒征帆不進且盤桓長隄垂柳搖
疎影坐對篷窗細細看

滿天雲影逐行船兩地思親倍黯然欲說連朝
風雨事奈無鴻雁字難傳

渡江

長江如練洗雲烟北固嵐光接楚天今過金焦才
一霎古來征戰幾千年日斜林樹藏山寺水暖桃
花送客船我自掛帆瓜步去不知天塹卽舟邊

聞雁

燭冷霜清最有情又聞樓外雁聲聲數行已過嶺
雲遠一字應橫湖水平忽去忽來連夜柝相呼相
應過寒城誰憐千里殷勤意枉自勞勞帶月征

登西院平臺分登字韻

小院平臺外相邀閒去登夕陽雲縹緲西嶺雪峻

唐詩卷一
十一
嶒日暖初春候風和最上層江城十萬戶一覽向
欄憑

四時閨中八詠與黃淨因夫人書之宜人月
莊古霞同作

春閨八詠

新愁一段怯春寒細雨如絲撲畫欄翠葉藏鶯烟
漠漠朱簾隔燕晝漫漫綠楊窗外人初靜紅杏枝
頭花未乾更覺小樓今夜永簷聲相和漏聲殘
新暖餘寒幾度催山前水外轉輕雷虺虺百里驚

龍起隱隱羣陰凍蟄開乍見電光爭照耀恰同雲

影共徘徊阿香嬌小春眠慣莫遣推車入夢來

湘簾微度峭寒侵暗送清香入戶深輕蹙水紋生

碧浪細吹花片出芳林催回旅雁隨雲轉驚起流

鶯繞樹吟桃李濃華春正好莫教亭館綠成陰

書幃半卷看冰輪雲斂風和大地春楊柳池塘明

似鏡梨花亭院淨無塵芳暉入戶晴偏好圓影當

窗夜轉新千里素娥同皎潔蘭閨應照詠詩人

聽得禽聲在小園暖風吹碎玉笙喧朝穿密葉圓

吮滑暮戀繁香翠羽翻飛過桃花依細草立隨竹
影上重門催殘春色知多少曉夢驚回豈足論春鳥
極目芬芳積翠叢亂生春色影籠蔥烟迷萬綠排
山外枝帶千花壓水中鳥戀新巢還隱隱蝶尋密
葉更匆匆晚來天畔霞光好却似經秋霜裏紅春樹
春來濃罨草芊芊滿地青痕絕可憐嬌觀落花猶
帶露碧隨流水却含烟風暄綺陌韶光遠日麗芳
津物色妍好向湖隄閒望去裙腰一道綠相連春草
裊裊游絲繞綠楊風和雲斂日初長圖書整頓簾

櫛淨山石玲瓏草木香花變新紅搖倩影水成嫩
碧泛崇光春來風雨連絲慣難得今朝看夕陽春晴

夏閨八詠

閒倚迴欄送夕陽菱荷滿沼晚來香虛窗雨歇琴
書潤小閣風生筆硯涼樹疊濃陰留月住竹分清
影著鐙藏蘭庭氣爽簾櫳靜蝙蝠黃昏繞曲廊涼納
小扇團團如月明薰風題處入懷清頻敲檀柄吟
詩慣爲惜冰紈著腕輕若看山溪情淡蕩偶依花
草筆縱橫寫餘莫漫留名字但把閒章印押成題扇

滿院槐陰過雨天一聲聲又聽新蟬頗如與我同
吟咏何必教人奏管絃幾度夢迴清晝裏多時立
向晚風前愛看穉女梳雲髻似爾輕盈亦可憐蟬聽
幽庭晝永亦清閒棋子輕敲戛玉環聊借兩奩排
意興却從全局說機關靜言欵欵同商酌密思深
深共往還算畢推枰無箇事軒渠一笑對青山圍棋
數點流螢繞玉臺緩持紈扇共徘徊才看暗暗穿
欄過却訝熒熒入袖來天上榆陰星欲誤榻前花
影月初開書窗自有鐙相照莫遣紗囊聚作灰撲螢

幽花無語泥人看正值炎天日影乾爲惜冰姿添
細水更噴玉蕊繞迴欄榴開錦砌如丹渥竹照紗
窗似鳳攢折取幾枝贈閨友笑言猶恐晚粧殘澆花
薰風添渴日將斜細切青門五色瓜翡翠圓盤盛
燦爛玻璃小盃透光華四分玉角初沾指一片瓊
漿欲沁牙聊借清涼消暑氣何須煎水又評茶食瓜
吳中徽雨亦多時雲色垂垂近硯池偶遇初陽開
紙閣何妨鎮日敞書帷溼消香帙宜翻覆暖透芸
編好護持夕照已殘收拾去更來燒燭檢新詩曝書

秋閨八詠

金井梧桐老樹秋白雲滿目意悠悠碧山雨歇松
篁靜玉宇冰清窗戶幽素影羅羅看漸散餘光采
采任輕流何當更到秋深後又逐飛鴻過畫樓秋雲
白露如珠八月中月光斜照玉屏空一簾秋色流
疎影四野清虛溼晚風點點花梢明錯落輕輕葉
底碧玲瓏休將憔悴傷時節清冷猶多丹桂叢秋露
碧空萬里湛銀河不見仙人槎渡過玉影疎窗流
不盡夜天涼氣浸如何簾櫳淡淡秋疑水牛女盈

盈雲似羅新月欲沉人欲臥惟聞殘漏滴金波秋河
碧雲如霧復如烟疎影梧桐絕可憐雁響蒹葭千
里夢風寒橘柚半晴天簷前暮色將沉矣竹外斜
陽更黯然庭院深深無箇事祇宜女伴覓詩篇秋陰
形如綃素冷如霜玉骨玲瓏透夕陽最喜宵分傳
漏急不愁風緊滅燈光開來低映梧桐影隔去猶
聞桂子香正是天高人意好碧紗推起趁新涼秋窗
草色淒涼韻最清幽然更覺斷腸聲吟風却似深
宮怨泣露猶如工婦情暗壁悲秋燈半燼小窗促

織月孤明虛齋坐久銀屏冷怪汝無端鳴不平秋
翠館朱樓小苑西碧欄金鎖靜深閨芙蓉何事蕭
蕭落蟋蟀憎他細細啼一枕涼風聆韻遠滿窗殘
月聽聲低鏗錚滿耳聞清響半在前山半後溪秋
日照東窗上碧紗寒花滿苑亦堪誇風吹冷艷輕
裝粉雨帶清香薄染霞獨占九秋情淡淡不隨春
卉影斜斜小山叢桂東籬菊風景依稀感歲華秋
花

冬閨八咏

重簾不捲倚爐薰瓣瓣清香著意焚三尺金猊含

馥郁一雙寶鴨試氤氳煙光無定輕如影篆縷多
情細似雲坐對小窗冬尙暖却從鼻觀得微聞焚
端溪漢瓦我家傳洗向階池小浪圓欲使一規除香
宿墨何妨十指漬寒泉安排筆札侵晨後整頓文
房釀雪天羨爾人間真石友不辭辛苦自磨研洗
深閨乍冷欲驚霜檢點輕裘拂素囊熱得烏薪添硯
細火扶將銅斗熨寒裳連朝風色催人意半日工
夫爲此忙疊疊帖平須趁早莫教兒女覺微涼熨
松聲石鼎颺烟斜淨洗紅蕤其品茶蟹眼清風催衣

活火鳳團春雪泛輕花碧雲凝盃評珠蘂綠乳浮

甌試露芽顧渚頭網龍井葉比量香色未相槎茶品

晴窗檢點舊詩書滿架牙籤任卷舒次第縹囊分

未了參差翠軸數上聲何如須教檀栢排冰繭莫遣

芸編飽蠹魚愧我不能通六藝虛從絲竹壁邊居

檢書

滴粉調脂總不如略成花果兩三株參差意態畱

疎影點染風光入小圖半幅生綃爲午課數枝斑

管作清娛何愁凍雪常揜袖耐得深寒細細塗畫作

官漏頻催蠟滿檠湘簾不捲夜幽情常將并剪敲

銅葉莫使飛花落畫杆拈去玉蟲添燦爛生來珠

蕊更分明三更殘焰拼銷盡好讓窗梅帶月橫剪燭

雪緊風寒掩翠幃一鑪溫火共相圍西窗接席同

閑話小閣添香更覆衣半晌笑言何欸欸大家衫

袖恰依依春朝詩畫商量遍柏葉椒盤餞歲歸圍爐

小坐樓中爐烟縹緲俯看檻外雲樹參差小

婢開窗女奴洗硯記三春之美景會喜韶光

談四季之詩篇首宜淑氣柳垂簷下流鶯恰

唐詩有紀柳言和卷一
六
恰之聲桃放池邊小燕依依之影長夏薰風
不定齊颭芰荷空庭清露橫流平分星月望
銀河之似水識玉宇之初秋滿院清陰桂蕊
輕颺金井一簾疎影梧枝更繞朱欄遠樹經
霜又看烏柏遙山帶雪乍綻寒梅何須管絃
之音無事但開紙閣惟有詩書之味清閑常
對芸堂鐵馬頻催銀屏初冷覓句于琅嬛館
外評茶于清晏樓中共作幽懷悵舊遊之如
昨偶成儷語將新詠之頻添覽彼圖中書于

卷尾戊辰冬又跋

題嘉慶十年乙丑立春歲朝圖

雪消晴日麗亭臺又見金旛綵勝開一夜東風初
變柳千山春色半含梅餘寒未遣雷車動淑氣先
催斗柄回惟願歲豐親更健年年寫入畫圖來
西湖種柳三千株紀事

西湖二月初春天六橋柳浪依城邊幾度東風又
雨雪昔人種柳知何年半因攀來贈行侶半因折
去爲輕鞭千條萬縷漸衰落長隄春減誰相憐予

家住此惜風景海塘移植枝三千栽遍蘇隄白隄
外二十里路青相連旋看風前新葉出漸覺雨後
長條鮮根深再過三五載三丈五丈棲高蟬從此
西湖盛游賞山光水色扶三眠飛花如雪撲人面
好繫小舫龍頭船樹不依山盡依水水邊萬綠如
雲烟他時若別此湖去絲絲春緒畱纏緜

自杭歸揚州作

五鼎三牲皆惘然如今抱恨及終天深恩未報空
偷息祭祀何如侍膝前

傷心却爲客心愁幾度思 親淚自流獨倚篷窗
渾似夢銜哀先已到揚州

回望吳山欲斷魂心懷耿耿更難論願君身體當
珍重惜得精神報

國恩

雪意

落葉蕭蕭下風聲繞窗壁天寒衣袖涼松竹同一
碧開窗遙悵望輕重白雲迹哀此釀雪天流光更
堪惜飛瓊且漫舞念我麻衣白難挽愛日回復此

霰花積古木歸寒雅此意何脉脉凭欄黯無言把
卷伴殘夕

冬日墓廬有感

十載歸陳畱每每思故園未識我 姑面含悲惟
自吞常見吾夫子逢節慕 親恩傷心不敢語幸
有 椿堂存視媳如弱女義訓諄諄言凡爲婦道
者德謙禮義純優然而待下僕婢亦和溫克勤亦
克儉所聞敢不尊誰料今夏時變幻更莫論山頽
天忽傾傷心復斷魂耿耿肺腑碎淚痕變血痕幾

度悲往事無語望黃昏衰草被長阡松柏圍古墩
哀哀復何說梅花在墓門

夜坐

閒坐幽居思悄然博山香細帶茶烟凍雲黯黯催
人意柏葉溫溫釀雪天但覺圍爐銷夜永更來剪
燭破詩慳疎梅欲放臘將去殘漏輕敲亦可憐

冬日康山作

深沉庭院似蓬萊玉戶玲瓏面面開却倚畫堂東
畔近曾迎

鑿輅兩番來松篁滿屋多清影筆硯臨窗絕點埃
聞道武功遊迹在琵琶當日興悠悠
遙望蕪城屏幾重夕陽斜照影朦朧樓臺高下層
闌外烟樹參差遠墅中千里征帆來隱隱數行飛
雁去怱怱徘徊久看香光字懷古登臨自不同
循欄又傷小池邊山石玲瓏意挾仙日影留寒移
壁外冰花借暖泮階前老梅試放小春候疎柳間
垂釀雪天對此草堂悲往事依稀光景感流年
已覺高臺眼界寬閒行曲徑復盤桓鶯花老去留

雲館鶴柴空時有石欄歷歷長廊人影淡蕭蕭落
葉晚風寒却將岩下千年樹當作尼山松柏看

乃江夫
人母家

夜坐卽事

挑燈無事倚重帷遙夜清寒漏更遲但覺連朝悲
舊事不知幾度憶親時冰花亂落竹枝瘦楓葉
凋殘梅蕊滋深鎖房櫳天氣冷半因小坐半評詩

冬夜

雁聲聒耳落中庭月映玻璃侵素屏窗上松篁描

唐詩卷之二
三
淺畫案頭筆硯寫佳銘朔風黯黯同雲去霜葉蕭
蕭似雨零簾幕半垂銀燭靜麝煤輕剪讀茶經

唐宋舊經樓詩稿卷二

阮孔璐華經樓

詣雷塘路過平山有感

含悲黯黯拜親墳野外松聲未忍聞千樹蒼官
長作伴一齊翹首望春雲

意欲歸時未忍歸空中更見白雲飛常來此地埽
親墓無語傷心淚溼衣

路過平山更覺愁傷心却憶武林遊西湖杖履
今何在拭去啼痕上小舟

歸來無事倚欄前一種憂思倍悄然更上選樓望
城北春風春雨恨綿綿

春日偶成

多病多愁強自寬魯東千里見親難連朝春雨
添人恨幾度思歸倚畫欄
遙夜春寒夢不成思親心切與誰評階前風色
知多少相和離愁對月明

白沙翠竹江村

柴扉迎江上天闊眼界寬東風來幾日花香不知

寒江村好風景一一巡檐看

見山樓

高樹當山出虛窗自明透山霞色如錦況對此清
晝斜倚曲欄干更見隔江岫

香葉草堂

古栢森繞屋雙雙皆翠苔見此兩蒼官遙想千年
來人生有幾時向汝空徘徊

因是庵

清江繞芳甸落伽一茅庵香界無纖塵端嚴披伽

藍誠心試供養妙香繞蓮龕

千尺桃花潭

十里桃花境絳霞水中映倩影留深潭東風吹雲
淨斜陽助紅顏芳色誰能並

漑岩

巖巖山石下小小曲逕通縹緲冲雲漢階檐濯玲
瓏奇峰遮斜陽登臨懷古風

乳桐嶺

梧桐嶺上發飄飄多清景細蕊吐新華高枝蔭金

井棲鳳更飛鸞濃綠鋪嫩影

東溪白雲亭

白雲照庭前溪水亦可憐澹蕩清且深風吹水紋
圓溪西更何如夕陽霞滿天

耕烟閣

登閣望南野兒童叱耕牛扶犁隨意轉短笛興悠
悠風烟遠城市欣然近麥秋

秣筵逕

翠竹滿屋前密密枝三千連頃如綠雲亭亭接遠

唐詩卷之二
天披風踏幽徑瀟灑疑真仙

柳風麥浪之間

風起來浪浮不辨郊原地一片自騰翻時有波瀾
意況是柳風多柳亦含清翠

芙蓉汛

斜陽入西林清池明如鏡芙蓉放水濱不須江上
詠游人偶納涼小憇意潔淨

渡鶴橋

靈鶴橋上步羽衣半縞素嘹唳入青雲蕭蕭振溪

樹橋外未逢人翩翩日已暮

聽雨山房

蕉窗消暑氣綠陰更清目偶然新雨來靜聽聲
蔽阻雨若居此對景亦可讀

華黍齋

良晨潔其志薦馨如神存誠心乃無價殷殷孝思
純何以歌白華雲稼連江村

小山秋

秋色滿空谷桂子林中香香飄小邱壑枝枝映斜

陽淮南是吾家相看休相忘

冬釘書屋

誰識清漏永銀釘夜色闌把卷論古今詠詩復盤桓朔風繞檐下悄然不知寒

雪窟

誰剪冰花墜飛揚滿庭院朔風吹茅廬聚處如鋪練烹茶更吟詩把卷寒光炫

梅花處士廬

忽見東風起梅花時已半冷艷催早節疎枝繞庭

畔茅屋雪初晴暗香拂書案

登墓廬小樓

登高平野且休愁遙見田家近麥秋綠樹千枝皆繞屋青山一角正當樓融融麗日江帆遠嫋嫋輕風柳絮流豈爲郊遊常到此特因展墓看松楸

憶夫子雷塘守墓

小坐烹茶更憶君雷塘寂寂望停雲樓前三月春光好風木聲多不忍聞

回望雷塘淚暗流心憂却怕上西樓憶君常伴

先人墓滿目青山相對愁

此致憶弟

手足分衿已數年離愁兩地寸心懸
夢魂常自依堂上每聽雞鳴報曉天

千里關山難侍親書函那抵笑言真
庭前並蒂芝蘭好可慰高堂二老人

試第五泉

文選樓前夕照天落梅風裏蕪松烟
藏將龍井初春葉來試平山第五泉

文選樓卽事

碧桃凝露發新枝柳葉輕盈展翠眉
滿院落英宜讀畫半窻晴日耐評詩
權將玲石爲茶竈旋洗銅尊作研池
簾外春寒渾未覺龍團間看碧參差

珠湖草堂

招勇將軍舊遊之地在黃子湖孫渡橋東八里

將軍舊遊處茅舍近田疇綠樹皆臨水
青山正對樓布帆來戶外木屐過橋頭
璧社湖波遠珠光百里流

三十六陂亭

堂後高亭平疇湖水皆可見

茅舍晴烟繞軒窗面面開山光齊縹緲水影共徘徊
港曲波瀾砌風清月滿臺鴛鴦三十六應向此
亭來

湖光山色樓

莊門小樓隔湖正對甘泉山色

山色當樓照登臨望不迷樹高分綠影屋小傍清
溪渺渺篷帆遠重重翠黛低凭欄何曠闊吟到夕
陽西

黃鳥隅

亭西石阜榆柳叢雜歲有巢鶯

黃鳥巢高樹誰憐邱壑深翩翩穿曲徑恰恰出芳

林睨睨分春眼綿蠻畱古音羨君有所止更見綠
成陰

漁渠

巨渠環莊多魚可捕

林下風光好清溪四面圍晴烟依柳岸綠水繞柴
扉一葉客舟過數聲漁笛歸我來看曬網閒立到
斜暉

龜蓮沼

隅下曲池多龜少蓮

蓮沼西林下清香更不同亭亭常映水楚楚獨搖
風小鳥來花上游魚戲葉東靈龜何處有應在碧

溪中

菱湄

湖南水草多處種菱可采

湖湄多水草菱采鏡光平
絲弱隨風引花低逐浪
生烟迷牽籥遠日落蕩舟輕
更聽漁歌起悠然入
耳清

射鴨船

小舟與隔湖避風庵往來喚渡曰射鴨者取孟郊詩句也

一葉小蓮舟乘風逐野鷗
前溪紅蓼岸古渡白蘋
洲已覺烟波遠還知水月秋
角弓盤獵馬那似竹
枝柔

拜北湖江夫人墓有感

盥手焚香拜墓前
淒然無語淚偷懸
百年身後同歸此
今日先來送紙錢
心情種種倍傷神
對此松楸轉念頻
拜罷欲歸無別祝
香魂仙界佑兒身

湘簾

橫額雙鈎半截遮
飄然常伴碧窗紗
好風輕透垂簷雨
晴日疎通上檻花
細節闌斑春點點
迴紋摺疊影斜斜
深沉院落人閒靜
卷起殘陽看月華

紗屏

虛屏掩映百花中小借斜暉似鏡空明月閒侵紋
索約清風直透影玲瓏窗前隱隱白雲遠檻外深
深綠樹叢數幅碧紗書案爽笑他空作錦屏風

羽扇

團團白羽亦良工六角蒲葵訝許同鶴洗修翎翻
手底松吹清籟入懷中炎天應妬不銷雪明月還
憐無盡風羨爾雖能揮汗去却輸摺疊袖間籠

竹窗

竹陰低罩北窗涼嫩葉輕枝繞曲廊綠筍蕭森春
已去碧紗掩映日初長飾金疎影月移壁戛玉清
聲風滿堂小坐此間人意靜安排筆硯咏斜陽

夏夜

簾幙輕垂人靜嬋娟月裏徘徊風外花搖倩影小
山却似蓬萊

黑蝶

栩栩來從柏葉村韓憑冢上半離魂紗窗晴日遮
塵影紈扇春風染墨痕夢醒漆園山月暗粧殘漢

殿鬢雲渾舞衣久已淄香粉憶煞調鉛畫本存

白燕

一庭飛絮掩重門玉剪雙分碎語溫盼斷小樓霜
有色飛過深院月無痕烏衣休說三生夢金粉愁
銷六代魂落盡梨花春寂寞主家珠箔又黃昏

雷塘小樓

構得雷塘塘上樓闌干窗戶小如舟但須足底無
波浪縱有狂風也不愁

卽事

宦程來往亦多年忙裏慚無翰墨緣幸有閨中諸
女史幽窗同檢白雲篇

三十初度避居雷塘墓廬自述

嗟余三十春初度在丁酉今當衰服中言壽復何
有親姻不諒人尚來饋以酒避辭居墓廬言祝不
敢受竭來掃墓門呼僮攜箕帚宿草被豐碑新松
滿高阜時還歸讀書清風拂楊柳嗟余素失學力
不勝井臼在家爲弱女子歸爲拙婦諸子尚聰明
望之意頗厚會須待他年齊眉已白首子輩或成

名言壽豈云後

雷塘

高樓閒倚望蕪城樓與蕪城彷彿平細雨初過荒
草綠斜陽欲謝晚涼生柴門寂寂渾無事竹院蕭
蕭更有情城市囂塵飛不到詩心閒入暮蟬聲

田家

塘上開柴門四野頗清肅西見甘泉山清光繞林
木交交黃鳥鳴聲如弄機軸登樓望平疇良苗已
滿目田家好風景不陋亦不俗一片白鷺飛點破

溪邊綠農婦更何如葛衣倚修竹牧童臥牛背清
歌自成曲老農種桑榆閒來坐茅屋仕宦如轉舍
南北殊碌碌息影今歸來依此墓廬北仲長樂志
篇所求亦難足我家無臺池所居惟儉樸宜此松
楸間觀耕展書讀

燈花

一綫靈根頃刻栽清光已上小銀臺淚非有怨畱
春住花不聞香避月來玉蕊半明還半暗金枝將
落又將開窗前應報平安字莫遣輕釵剔翠煤

竹窗

窗前修竹節珊珊清響如聞戛佩環小榻好從風裏置虛櫺莫向月中關一般疎影伊偏靜幾處平軒此最閒分付女郎休染俗綠陰爲爾洗紅顏

自感

慚愧身孱病易生晚涼時候葛衣輕簾櫳閒寂人無事庭院深沉月自明一盞書燈閒對久半窗竹影細吟成何妨剪燭燃松火坐看階前煮朮鐺

敬題

御賜杜瓊溪山瑞雪圖

同雲隱隱滿空山朔吹柴門晝掩關路沒草堂人未到清清惟有一溪灣隱君居此惜風景一片寒光坐孤影高懷相對本無愁萬籟無聲山亦靜鹿冠道人畫有名明時寫此雪圖成我今當暑展圖看雪滿夏堂心忽驚北窗積素似盈尺玉水瑤峰入吾宅寒林清影盡森森一幅溪藤掛西壁圖中更見詩人來溪邊策蹇興悠哉過溪却見詩人屋隱處空山自種梅如此山溪真隱秀況于皓雪堆

岩岫玉樹瓊林變暑寒吟成却聽蟬鳴晝古人名
筆寫山溪重重寶壘壓金泥此圖却是
君恩賜上有
高皇御筆題

夏夜

選樓小坐幾徘徊數點流螢繞翠臺新月光移東
壁上叢篁影透北窗來吟詩不用垂燈照閉戶何
愁刻漏催石砧烹茶閒話久風清雲靜思深哉

夏夜復聯句

文選樓前送夕陽

樓經

湘簾卷起步迴廊暮庭不礙

梧桐影

書之

晚飯才聞茉莉香月地橫鋪雙榻淨

莊月

風簷遙掛一燈涼重門靜掩同吟久

古霞

那管銀河

繞屋長

樓經

題唐六如同心合意圖

擁背雙姬更伏肩玉簫手擻在胷前如何合得琵琶曲抱過腰圍撥四絃

一樣宮商記六如同心方可賦同居我家侍者同心處但使雙雙坐讀書

題宋馬遠畫江樓玩月團扇圖

一輪明月照江樓圖上居然江水流千里江流何
宛轉碧天如水浸涼秋帝者吟秋特相賞錢塘百
尺高樓上越水吳山夜氣清西風南斗天光爽天
光隱隱水迢迢山上樓臺江上潮月色山光合樓
影移來都上好輕綃樓中簾捲飄仙露一片空明
如縞素光宗居此興悠然汴州不住杭州住我憶
馬家供奉年殘山剩水至今傳丹青一角藏樓影
紈扇千年似月圓

題元王振鵬畫樓臺倒影圖

午眠夢初覺披圖眼界空圖中多樓臺花木影重
重帝者坐樓內疑是醴泉宮內官執紈扇榻前翠
袖籠綠陰蔭玉檻清影迷簾櫳千朶芙蓉花生新
映水紅樓臺影入水倒浸波溶溶波紋如縠縐水
面來薰風樓臺人能繪倒影誰能工千欄與萬瓦
水底搖玲瓏界畫細如髮欲視目力窮竟將百尺
樓收於尺幅中孤雲處士筆掛我瓶花東

唐宋舊經樓詩稿卷三

阮孔璐華經樓

分題

御賜惲壽平畫冊十二幅之三

萬橫香雪

生綃一幅白雲栽半寫山溪半寫梅橫壓萬枝香
澹蕩暗搖千樹影徘徊沉沉夜雪迷春海片片林
風點翠苔當日詩成親被
賜調羹飽飫鳳墀來

桐陰高逸

桐陰百尺北窗涼此是高人舊草堂書幔當風含
翠影葛衣銷夏帶清香松篁颯颯同縈几筆硯閒
閒更滿床偶看畫圖人已靜絕無塵事但斜陽

草堂春漲

煙渚蒼茫尺幅中洞庭千頃受東風連天水色孤
帆小映日春光遠浪空樓下綠陰香澹澹岸邊青
影草葱葱江南三月多新漲不見枯蘆落塞鴻

桂苑小山

虛齋閒坐已深秋桂樹成林對選樓爲問秘書曹
氏宅小山大雅一時收

出浴峰

閒將玲石疊砌池峰勢如人沐髮時不是華清泉
外事莫題蒼骨作凝脂

獅子峰

竒勢堪稱獅子峰端嚴獨坐對蒼松從來不作河
東吼靜不聞聲有德容

貫月峰

玲瓏石隙小山空皓月穿來似鏡中遙夜清
清人不寐何須燒燭對花叢

捲雲洞

洞門直對小軒前冷溼苔紋絕可憐却似清風天
外至卷來一片好雲烟

秋思

雲斂天高秋意長階前金粟墜輕黃風來但覺衣
衫薄雨過初憐筆硯涼却下簾櫳還埽地爲開書
卷更焚香悶懷凭几渾無事將次樓邊有雁行

秋夜

滿目清風入硯池碧天如水早秋時梧桐葉落紗
籠靜桂子香飄玉漏遲雖計米鹽猶把卷爲忙兒
女少吟詩心懷常憶當年事回首思親惟自知

雨花

雨花自散透窗幃冷織苔紋密更微落地無聲香
澹澹漫天有夢影依依輕垂細浪誰能埽不礙行
雲但學飛閒對虛齋人意爽捲簾應坐到斜暉

桂苑小山

唐詩卷之三
三
一帶假山如短牆更將金粟種成行露華點染數
峰淨秋意瓏璵小苑涼香壓洞門浮淺黛花飄石
徑散輕黃淮南風景仙人宅曹氏珠叢直到唐

秋籬

疎籬曲曲氣蕭森却似迴欄步步深紫豆花垂無
俗韻青籐葉密有清陰露侵苔徑蛩聲急雨溼柴
關蝶影沉一片涼風半遮住桂香不隔小山林

憶曲江亭寄答翠屏洲諸女士

遙想曲江亭雲烟望縹緲今見瑤華篇益知風景

好高柳自成林清流媚幽篠亭中月自明菱荷香
滿沼我欲聽濤來更怯西風杳明年桃李開交交
飛黃鳥來讀諸君詩春光照江表

咏藕

荷衣歷亂水花紅折向池塘碧浪中素節自生香
脆美污泥不染玉玲瓏偶然雪得絲絲斷真見寒
來片片通怪底平山蓮葉裏扁舟無數采匆匆

咏菱

菱花菱葉滿清溪沙角叢叢彷彿齊翠佩翻風常

對鏡紫衣浮水不沾泥綠搖珠浦螢光小香雜漁
歌鷺翅低却是湖中田舍女采來遠送到深閨

咏蓮房

一片波光十里塘紅衣零落結蓮房蒂通藕節含
秋水心帶荷香倚夕陽翠幹亭亭懸碧盞綠綳點
點嵌珠囊詩情比爾當何似都向玲瓏空處藏

咏芡實

初開芡嘴紫苞團不礙荷香列刺攢細裂冰紋風
葉老淺浮浪迹水花寒剝來玉粒傾盤滿但少珠

光借月看遙想北湖雞唱後貼波綠浸曉霞殘

路過傍花村偶成三首

肩輿路過傍花村遙望疎籬種菊園又是黃花好
時節一番秋色試霜痕

蕭瑟秋光九月天種成百畝菊花田幾家買得歸
城去可爲吟詩不惜錢

幾間茅屋向溪開溪上西風拂袖來冷艷晚香看
未定匆匆未解重徘徊

荻花

一片遙天江界空
荻花如雪色迷濛
蒼蒼野渡汀烟外
瑟瑟輕舟月影中
却好江亭多夜露
何來漁笛怯秋風
誰憐憔悴霜華重
清冷猶看落塞鴻

蓼花

蓼花點水照村樓
冷艷新添古渡頭
好向碧溪畱瘦影
枉隨黃葉度深秋
蕭蕭和雨盟鷗溆
歷歷迎風捉蟹舟
墜紫垂紅看未足
一年零落一番愁

新雁

初看新雁至
嘹唳到山扉
影帶深秋色
行分半晚

暉橫來何欸欸
南去却依依
又是今年旅
還從舊路飛
寒生乘月渡
風急向洲歸
千里誰憐汝
江湖毛羽微

早霜

新霜清夜下
曙色近迴欄
却是風初緊
何當露已溥
少添鴛瓦冷
略著板橋寒
漠漠偏依菊
霏霏欲掩蘭
秋迎九月降
曉試一痕殘
林外多紅葉
朝來帶日看

薄寒

湘簾初捲處檻外曙光清日淡籠窗暗風高舉袂
輕未曾驚料峭却已覺稜生桐瘦欲無影菊殘猶
有情焚香縈几篆飛葉落階聲石鼎添茶火溫磨
暖意成

微雪

微雪階前積隨風到曲廊書窗迷晝景紙閣逗寒
光漠漠如新絮霏霏似曉霜未須濃著艷可是淡
生香白處遮平地晴來怯太陽詩人添好句羨爾
試梅妝

咏漢金釭

一鈿金釭憶漢年漢宮遺製至今傳趙家姊妹來
何處燕燕飛來絕可憐雙雙燕入昭陽殿班姬辭
輦悲秋扇黃金作屋貯溫柔西京雜記分明見專
寵承恩望久長玉階銅沓鬪新妝碧櫳朱戶參差
起歌舞聲中夜未央此釭嵌壁鑱深閣象牀熊席
明珠蛤白璧藍田似列錢釭中翠羽塗金合漢宮
劫後久成灰春風惟有野棠開美人黃土歸何處
此時猶見燕飛來當年威斗盡顛倒鼎在陶陵亦

難保千年未損古金紋
農夫猶得耕芳草
可憐涎涎啄王孫
釘上泥巢舊有痕
一鑲入手寒金重
不
打倉琅古木門

咏真子飛霜鏡

古鏡出匣霜華飛
鏡中真子彈清徽
時當春夏衆芳盛
梧桐布葉竹笋肥
真子席狨欲召冷
七絃一拂商音揮
夜來秋氣滿天地
曉月欲落懸素暉
此時霜華一片落
頓覺慘淡明寒威
北風轉令星斂角
冰絲玉屑沾人衣
我今攬鏡字猶在
真子久向

仙鄉歸開奩題句
曉天碧著瓦猶見
霜霏霏

冬夜聯句

殘臘年光向晚天
聯吟共坐小窗前
莊月一鈎新月

懸簾外幾縷名香
繞袖邊經樓紙閣微風生
鐵馬茶

甌輕煖泛銀船
書之回看屏上寒梅影
半幅橫斜落

硯田古霞

冬日

最愛深冬共試茶
流光彈指度年華
臥遮簾幙爐烟聚
坐看窗櫺日影斜
翠竹沉沉圍小院
寒梅淡

唐詩卷三
淡照輕紗案頭閒覽多時節
比較詩書恐字差

題月莊畫百合花雙蝶卷

百合花枝雙蝶鬚羅浮仙影寫成圖
滕王粉本知多少金碧爭輝似此無

過寶祐廢城

偶過邗城外林疎覺岸寬
山光出郭靜雲影渡溪殘
草木荒原迥風霜破廟寒
古來多少事遙想帶愁看

澹寧精舍初春

幽齋小坐幾徘徊寶鴨添香拂袖來
風碎鳥聲寒漸減日篩梅影暖初回
惜惜案上琴絲靜疊疊窗
前硯匣堆澹泊家風書味好品詩作畫思悠哉

題元趙子昂畫白雲泉竹

幽篁初解籜獨坐小坡頭對面白雲起
繞身清澗流泉聲如在戶林影正當樓
愛此王孫筆波中有素鷗

題元高房山摹營邱山水

對此營邱景丹青耐久看白雲天渺渺
綠樹影漫

漫空谷人間遠幽居世外寬南風吹夏氣尺幅起
烟巒

題宋陳居中畫蕃馬

匹馬雪山外奚奴紫塞邊朔風鳴鐵勒落日冷
羈逐雁起衰草呼鷹下遠天丹青殊有意韓幹
漫居先

題宋馬遠畫松鶴

虛堂開尺幅粉筆寫胎禽砂頂凝紅日霜翎倚碧
林翅翻如欲舞吭引不成音一角馬家畫千年和

在陰

文房四詠

洛下傳聞價本高却將新樣試揮毫白憐一版平
如玉紅愛千花艷似桃女髮山光畱畫軸碧雲春
樹讀離騷剡溪自有清幽趣休把名箋數薛濤紙
匣中古墨試徐徐著手磨研覓句餘珠露香清浸
鸚鵡元霜寒重滴蟾蜍一螺浮翠丹同熟十笏凝
烟玉未如不是豹囊收得好何能千載註詩書墨
案上依依排管城圓鋒雖細握非輕一枝竹是窗

前課五色花難夢裏生詩句寫成清有味溪山畫
出靜無聲未能十指親機杼柔翰還宜日日擎筆
一匣琉璃蓋硯田閒來磨拭小窗前染毫忽動瀾
翻雨濡墨還生黯澹烟洗淨雲溪批碧簡潤通月
窟漬寒泉虛齋積古知多少齊石微坳漢瓦圓硯
選樓上元有感

兩年前事黯銷魂鐙火笙歌慶上元今夜主人墓
廬住淒涼寒月照松園

盆梅

最愛梅枝栽小盆也將冷艷對黃昏春光獨占花
三尺夜色還窺月一痕疎影斜斜橫短几暗香馥
馥透前軒青苔嫩不經風雪玲石拳然襯古根

瓶梅

梅花低亞小庭邊插向銅瓶近硯田一剪香魂橫
几外數枝冰萼倚窗前雙燈相照寒香動勺水來
添素影偏不惜靈根托塵土青鬢閒供倍鮮妍

落梅

連朝窗下細評詩看到梅花欲謝時已逐東風飛

去也餘香猶戀向南枝

乍寒乍暖本無期香雪霏霏落小池何怪吟香人
易老梅開那有幾多時

玉勾斜

大業離宮生古愁千年遺蹟認揚州美人多少埋
烟草若箇畱名在玉勾

青草荒原開野棠宮人斜外影蒼涼枯完老樹栽
新樹還是當年舊綠楊

自題綠靜軒圖

坐此幽居逸興長數椽全向綠陰藏碧雲滿榻琴
書淨清影撲窗衣袂涼入夏最宜消暑氣迎秋更
好透晴光畫圖一幅人間靜把卷無言但夕陽

春社日詠燕

五戊東風又一年梁閒燕子乍翩翩花邊祭鼓千
家社柳外餉簫二月天何處初來深院裏相逢還
在小樓前銜泥欲把新巢壘林杏幾枝紅可憐

花朝日記花神

惟願年年花木春焚香盥手祝花神宦遊他日知

何處花木還應憶主人

春日偕淨因夫人古霞女史過曲江亭

曲江亭外柳千林二月東風多綠陰更有琅玕千
畝竹萬竿清影碧沉沉城市那如此中好晴日春
光滿江表我來未及絳桃開林間亦未聽黃鳥焦
山近在曲江頭惜不揚舲江上遊但見歸帆到亭
下春潮三曲過門流廣陵濤古三千載江流清淺
揚塵改而今足底是桑田當年浩渺真滄海滄桑
人說曲江濱江上還多詠絮人

謂王氏諸女史萬柳千花

仙世界結成亭子作比隣

文選樓花木

樓前爲西院地小不成園縱橫五六丈周圍有短
垣壘石成小峰栽以花木繁梧桐相陰翳借竹爲
籬樊梅花雜桃李辛夷間玉蘭藤花不成架纏上
枯柏根櫻桃倚紅杏海棠依牡丹丁香花落後榴
下開葵萱紫荊及紫薇艷色何攢攢蕉林梔子肥
分綠滿欄千金粟仲秋發黃菊重陽寒冬來南燭
子還共黃梅看所惜無小池荷花惟在盆或嫌太

茂密實因地未寬平泉午橋莊賢者爲盤桓我家
無此境草木略可觀詎云成老圃轉覺如小村主
人墓田去終日閒閉門我來把卷坐默爾欲忘言

咏牡丹

文選樓前石一叢牡丹三百朶搖紅染成靚色依
欄外占得春光滿院中嬌態却宜金屋貯新詩也
合碧紗籠野梅秀竹知多少吟到天香自不同

題高郵孫公宗彝長媳潘夫人刺舌血書金

剛經後

莫把金剛悟六如古來正氣實非虛侍中血與常
山舌并作淮南孝婦書

上書救父古緹縈江外曹娥更有名若論于歸持
重服比於孝女並真誠

金經不壞似金剛傳與兒孫書更香一樣救民忠
孝氣蛟龍應避古郵塘

江北不養蠶因從越中取蠶種來採桑飼之
得繭甚多詩以紀事

靜思吳越中民婦實可憐每到春夏交育蠶勝力

田採桑不辭勞陌上破曉天江北蠶獨少求之尚
艱難我取越蠶子育于樓榭間北郊多柔桑買來
不費錢越中舊僕婦養蠶已多年率彼懷其種如
蟻生蠟蠟每日親視之桑葉何攢攢將成色明潔
分箔上蔗山如雨食葉聲三起還三眠吐絲皆成
縷作繭皆成團繅絲可爲帛剝繭可爲綿我思淮
南人耕稼業已專何不教材婦采桑滿陌阡民風
既可厚民力亦少寬爲語兒女輩物力當知艱幾
樹桑青青千箇繭團團貧女一月工織成綺與紈

綺紈在爾身忍令污且穿所以萊公妾諷諫詠詩
篇

賞雨

捲簾無事坐書堂簷溜聲繁小院涼縷縷乍縈高
柳重絲絲猶帶落花香喜看檻外草生碧遙想田
間麥正黃欲向珠湖草堂去一犁新雨看栽秧

蒲劍

九節盤根出素波旋抽香鏢漫摩挲劃來碧浪何
曾破試去清風儘自磨獵獵還疑垂釣舞錚錚不

唐詩卷三
五
礙採蓮過泉中若有雙龍躍三尺應如古太阿

艾人

天中佳節古來傳束艾爲人處處懸但少香魂飄
翠佩更將小樣上花鈿午餘倚戶還如醉風裏搖
簾欲學仙不是菖蒲根與葉誰雕冠劔共翩翩

夏日

閒心常自探書囊人靜偏宜晝刻長蕉雨初過晨
氣淨梅炎欲動午陰涼不嫌簾箔層層捲但覺松
篁淡淡香況是晚來無俗事一燈課子讀詩章

夜雨

湘簾高捲望青霄凍雨乍來燈影搖涼氣潑香聞
茉莉繁聲驚綠醒芭蕉但看風勢來還去如驗潮
音近忽遙夜半敲窗頻聒耳累人魂夢怯通宵

玻璃盞燈

玻璃小盞掛簷端愛爾玲瓏壓畫欄一顆晶球猶
帶水三更玉椀欲生寒臨風閃灼依人靜如月分
明仰面看想是火珠垂未定夜來清影自團團

茶烟

閒烹鳳餅起茶烟香氣催回白鶴眠似縷霏霏催
活火如雲漠漠釀清泉不離石鼎圍深院更發松
明動晚天一抹青痕無定處落花風裏鬢絲邊

竹韻

叢篁密篠最怡神丰韻蕭森出翠筠戛戛獨搖清
有骨娟娟凝立淨無塵風來碎響微生籟雨過寒
香暗襲人似爾扶疎多雅致詩情相與共鮮新

棋聲

何處花壇著子輕棋聲到耳最分明兩奩小玉敲

雲碎幾局文楸入夢驚不厭繁音殊落落但聞清
響自丁丁綠窗寂寞渾無事如聽閒階墜葉鳴

蕉陰

檐下芭蕉檐外陰何愁長夏暑來侵不知碧檻青
雲滿但覺綠天紅日沉潑眼清光還滑滑舉頭層
影更深深莫攀新葉題詩句似雨如烟最耐吟

